

mar usque ad Aquas Contradictionis Cades. 48. v. 28. Ad plagam Austri à Meridie erit finis de Thamar usque ad Aquas Contradictionis Cades. Hæc ad Meridiem sita sunt. Palmira autem est in Syria Soba; & inter Damascum & Euphratem: longèque etiam ad septentrionalem Terræ Promissæ plagam recedit.

Thamna, Themna, Thamnata. Themna scribitur octava inter urbes Tribus Dan, quas recenset Josue 19. v. 43. Thamna antea dicta fuit in Tribu Juda, 15. v. 10. non longè à Beth-semes, & Accaron, sed quæ è Tribu Juda excerpta, postea in Tribum Dan translata est. Judic. 14. v. 1. & seq. Samson descendit in Thamnata, mulieremque de filiabus Philisthiim amat, & petit in uxorem, quod cum parentes ægre concessissent, ipse descendens in Thamnata, leonem occurrentem laceravit; in cujus ore postmodum reperto melle, parabolam fecit; eaque à sodalibus per uxorem suam intellecta, in causa fuit, ut Samson Philisthæis nocendi occasionem quæserit. 2. Paral. 28. v. 18. Philisthiim diffusi sunt per urbes campestris, & ad Meridiem Juda; ceperuntque Beth-sames, & Ajalon, & Caderoth, Socho quoque & Thamnam, & Gamzo cum viculis suis, & habitaverunt in eis.

Thamnatsare. Jos. 24. v. 30. Sepelierunt eum (Josue) in finibus possessionis suæ in Thamnatsare, quæ est sita in Monte Ephraim, à septentrionali parte Montis Gaas.

Thanach, Thenach. Josue 12. v. 21. Rex Thenach unus ex iis, quos devicit Josue. 17. v. 11. Thenach cum viculis suis est in sorte Manasse; eademque 1. Paral. 7. v. 29. Thanach, & Josue 21. v. 25. de dimidia Tribu Manasse Thanach & Gethremmon Levitis ex familia Caath filiis conceduntur. Pro Thanach aut Thenach 1. Paral. 6. v. 70. legitur Aner ex eadem dimidia Manasse, & pro ipsis Caathitis. Vide Anim. 3. Reg. 4. v. 12. Bana filius Ahilud regebat Thanach & Mageddo.

Thanath-Selo, Josue 16. v. 6. in descriptione Tribus Ephraim.

Thare Israëlitæ statio in Deserto: inter Thahath & Methca, Numer. 33. v. 27.

Tharela urbs vigesima prima inter alias viginti sex, quæ sunt in Tribu Benjamin, Josue 18. v. 27. eaque inter Jarephel & Sela.

Tharsis. 3. Reg. 10. v. 22. Classis Regis per mare, cum classe Hiram, semel per tres annos, ibat in Tharsis, deferentes aurum & argentum, & dentes Elephantorum, & Simias, & Pavos. Eadem repetuntur 2. Paral. 9. v. 21. Sed 20. v. 35. Inuit amicitias Josaphat Rex Juda cum Ochosis Rege Israël, v. 36. & particeps fuit, ut facerent naves, quæ irent in Tharsis... feceruntque classem in Afiongaber, v. 37. prophetavitque Eliezer.. dicens... percussit Dominus opera tua, contritæque sunt naves, nec potuerunt ire in Tharsis. Tharsis etiam mentio est Psalm. 47. v. 8. & 71. v. 10. & Isaïa 2. v. 16. & Jeremiæ 10. v. 9. Ubi argentum involutum de Tharsis affertur, & aurum de Orphan (melius alii legunt Ophir.) Ex variis iis locis, & quæ de Ophir & quæ de Tharsis, jam suis locis dicta sunt, ut & in Afion-gaber. Salomon duas classes instruebat, quarum una in Afion-gaber pro Ophir; altera (ut credere est in Joppe) pro Tharsis ædificabatur. Sed & scriptores ipsi aliquando Tharsis pro Ophir dixerunt: Sanè Jonas cum in Joppe navem ascendit, ut iret in Tharsis. Tharsis ipsa respectu Joppe ad Occidentem est. Naves autem quæ in Afion-gaber constructæ erant, eæ ad Orientem & in Ophir tendebant. Cæterum Tharsis ipsa Tartessus in Hispania videtur.

Thebes. Judic. 9. v. 50. Abimelech venit ad oppidum Thebes, quod circumdans obsidebat exercitu. v. 51. Erat autem Turris excelsa in media civitate, ad quam confugerant viri, mulieresque & omnes Principes civitatis... v. 52. Accedens Abimelech.... & ignem supponens,

Latit.
Gr. Scr.

Longit.
Gr. Scr.

31. 47. $\frac{1}{2}$ 65. 46.

32. 2. 66. 29.

32. 30. 66. 33.

32. 5. 67. 10.

30. 30. 65. 40.

51. 34. 66. 40.

32. 18. 67. 2. $\frac{1}{2}$